

Eyris Invest – afkoma 1H 2008

Hagnaður að fjárhæð 298 milljónir króna varð af rekstri Eyris Invest á fyrri hluta ársins 2008. Fjárhags- og lausafjárstaða félagsins er sterk. Kjölfestueignirnar Marel, Össur og Stork skila á fyrstu 6 mánuðum ársins góðri afkomu og horfur í rekstri félaganna eru góðar.

Hagnaður Eyris Invest á fyrri hluta ársins 2008 nam 298 milljónum króna eftir skatt. Frá stofnun Eyris Invest á miðju ári 2000 hefur árleg hækkun á innra virði hlutafjár numið 39,8% að meðaltali til samanburðar við 6% neikvæða árlega meðalávöxtun heimsvísitölu MSCI fyrir sama tímabil, í báðum tilvikum mælt í evrum.

- Heildareignir eru 58.300 milljónir króna
- Eigið fé er 18.243 milljónir króna og reiknast eiginfjárlutfall 31,3%
- Lausafjárstaða félagsins er sterk og væri laust fé notað til endurgreiðslu skulda reiknast eiginfjárlutfall 40%
- Allar skráðar eignir eru bókaðar á markaðsvirði og engir framvirkir samningar um hlutabréf eru opnir í lok uppgjörstímabils
- Meðalendurgreiðslutími lántöku er 3 ár

Eignasafn Eyris Invest er vel dreift á mismunandi atvinnugreinar sem allar eru líklegar til að skila góðum og arðsömum vexti á næstu árum.

Fyrirtæki	Atvinnugrein	Eign 30.6.08*	Hlutfall af eignasafni
Marel Food Systems	Matvælaíðnaður	19.856	34,6%
Bankainnstæður	E/V	12.189	21,2%
Stork Technical Services**	Olía, gas og orkuiðnaður	9.148	16,0%
Össur	Heilbrigðisiðnaður	7.849	13,7%
Annað	Fjármál og tækni	4.419	7,7%
Stork Aerospace**	Flugiðnaður	3.921	6,8%
			100,0%

*millj. ISK

**London Acquisition S.a.r.l.

Árni Oddur Þórðarson, forstjóri:

„Við erum sátt við að skila lítils háttar hagnaði á fyrri hluta ársins við afar erfiðar aðstæður á fjármálamörkuðum. Mest um vert er að við höfum skilað góðri ávöxtun í fortíð og höfum þolinmæði og styrk til að grípa þau tækifæri sem kunna að myndast í náninni framtíð.

Eyris Invest er langtímafjárfestir í Marel, Össuri og Stork sem eru öll að sýna góðan rekstur nú eftir tímabil mikils vaxtar. Vöxtur félaganna hefur ekki verið tilviljanakenndur heldur byggst á áralangri stefnumörkun sem miðar að því að koma þeim í fremstu röð, hvert á sínu sviði.

Marel, Össur og Stork eru öll fjárhagslega sterk og fjármögnuð til lengri tíma. Horfur eru góðar í rekstri þeirra enda eru þau staðsett innan vaxandi atvinnugreina sem eru að þjónusta matvæla-, heilbrigðis- og orkuiðnað.

Lykiltölur – Rekstrarreikningur (í þús. króna)	2008/6m	2007/6m	2007	2006	2005*
Rekstrartekjur:					
Afkoma af verðbréfum og verðbréfaafleiðum	2.868.189	1.767.176	1.761.577	3.061.683	5.627.640
Vaxtatekjur	811.659	153.808	279.305	78.742	78.183
Vaxtagjöld	-1.780.392	-577.801	-1.653.272	-922.927	-372.316
Gengismunur	-3.229.057	1.480.233	821.259	-126.242	-266.375
Hreinar rekstrartekjur	-1.329.601	2.823.956	1.208.869	2.091.256	5.067.132
Rekstrargjöld:					
Laun og launatengd gjöld	83.639	146.841	236.102	168.655	39.871
Annar rekstrarkostnaður	33.000	26.478	64.943	48.417	32.159
Rekstrargjöld	116.639	173.319	301.045	217.072	72.030
Hagnaður fyrir tekjuskatt	-1.446.240	2.650.637	907.824	1.874.184	4.995.102
Tekjuskattur	1.744.472	-431.839	-111.143	-307.874	-888.368
Afkoma tímabilsins	298.232	2.218.798	796.681	1.566.310	4.106.734
Hagnaður á hlut (ISK)	0.41	3.94	1.28	3.20	
Þynntur hagnaður á hlut (ISK)	0.41	3.90	1.27	3.20	
Lykiltölur – Efnahagsreikningur (í þús. króna)	2008/6m	2007	2006	2005*	2004*
Eignir:					
Handbært fé	9.162.727	6.958.889	261.052	1.681.290	993.253
Bundnar innstæður	3.026.755	0	0	0	0
Verðbréf	45.563.742	40.993.449	25.821.843	15.645.115	7.501.307
Kröfur	252.330	33.210	31.323	85.742	68.693
Aðrar eignir	300.338	218.073	151.074	157.191	8.390
Eignir samtals	58.305.892	48.203.621	26.265.292	17.569.338	8.571.643
Eigið fé og skuldir:					
Eigið fé	18.242.663	18.133.177	11.994.982	9.616.759	2.742.930
Tekjuskattsskuldbinding	0	1.744.472	1.660.604	1.354.411	473.376
Skuldir	40.063.229	28.325.972	12.609.706	6.598.168	5.355.337
Eigið fé og skuldir samtals	58.305.892	48.203.621	26.265.292	17.569.338	8.571.643
Eiginfjárhlutfall	31,3%	37,6%	45,7%	54,7%	32,0%

*) ekki í samræmi við IFRS

Hluthafar Eyris Invest

Að baki Eyri Invest stendur sterkur hluthafahópur. Hluthafahópur félagsins samanstendur af farsælum frumkvöðlum með margþættan bakgrunn í mismunandi atvinnugreinum s.s. skiparekstri, bankastarfsemi, tryggingastarfsemi, fiskveiðum, lyfjaframleiðslu og smásöluverslun. Hluthafar félagsins eru:

Bórður Magnússon	27,8%
Árni Oddur Þórðarson	23,9%
Landsbanki Lux Custody	21,4%
Straumborg ehf	11,9%
Sigurjón Jónsson	11,4%
Arkur ehf	3,6%
Hlutir alls	100,0%

Helstu viðburðir tímabilsins

Marel Food Systems

Marel Food Systems lauk formlega yfirtöku á Stork Food Systems í maí 2008. Kaupin á Stork Food Systems kemur Marel Food Systems í fremstu röð meðal framleiðenda í heiminum á hátækniþúnaði fyrir matvælavinnslu. Markaðshlutdeild félagsins á heimsvísu mælist nú 16% og félagið hefur stærð og styrk til að fylgja eftir vexti viðskiptavina á mörkuðum Austur-Evrópu, S-Ameríku og Asíu.

Eyris Invest hefur verið leiðandi fjárfestir í Marel Food Systems frá árinu 2005. Frá þeim tíma til dagsins í dag hefur velta og umfang félagsins fimmfaldast. Marel hefur haldið háu eiginfjárlutfalli í gegnum vaxtarskeið sitt og efnt til þriggja afar vel heppnaðra hlutafjárútbóða þar sem fjölmargir fjárhagslega sterkir aðilar hafa komið að félaginu. Á fyrri hluta þessa árs aflaði Marel 14,4 milljarða ISK með hlutafjárútbóði og með langtíma sambankaláni að fjárhæð 183 milljónir evra (21 milljarðar króna). Eyris Invest er stærsti hluthafi félagsins með 39,2% af heildarhlutafé Marel Food Systems.

www.Marel.com

Stork (orku- og flugiðnaður) – 1,7 milljarða evru yfirtaka.

Eyris Invest, í samstarfi við Landsbankann og Candover í gegnum sameiginlegt eignarhaldsfélag, London Acquisition, lauk yfirtöku á iðnaðarsamsteypunni Stork þann 17. janúar. Heildarvirði kaupanna var 1,7 milljarður evra (yfir 200 milljarðar króna).

Stork stendur á tveimur meginstöðum í dag; Stork Technical Services og Stork Aerospace, sem felur annars vegar í sér þjónustu við olíu-, gas- og orkuiðnað og hinsvegar þjónustu við flugiðnað. Þriðja stoðin var seld til Marel Foods Systems fyrir 430 milljónir evra. Deildirnar sem eftir standa eru samanlagt með 1,6 milljarð evra í ársveltu og um 16.000 starfsmenn. Þess er vænst að báðar deildir sýni góðan tekjuvöxt og vaxandi sjóðsstreymi á næstu árum.

www.stork.nl

Össur

Össur er leiðandi fyrirtæki á heilbrigðisviði sem hannar, framleiðir og selur lausnir á sviði stoð- og stuðningstækja. Össur er með tæknilega yfirburði og stöðu sem leiðandi aðili á heimsvísu á stoðtækjamarkaði og sterka stöðu á stuðningstækjamarkaði. Undanfarin ár hefur Össur vaxið ört með bæði innri og ytri vexti. Samhliða vexti hefur verið lögð áhersla á að varðveita fjárhagslegan styrk félagsins og m.a. lauk Össur við vel heppnað hlutafjárútbóð í lok árs 2007 þar sem selt var nýtt hlutafé fyrir 3,9 milljarða íslenskra króna (64,8m USD) . Í lok H1 2008 var eiginfjárlutfall Össurar 42% og er félagið vel í stakk búið til þess að ná fram settum markmiðum um vöxt og rekstrarárangur á komandi árum. Eyris Invest er annar stærsti hluthafi félagsins með 19,9% af heildarhlutafé.

www.ossur.com

Horfur

Horfur í rekstri Eyris Invest eru góðar. Undirliggjandi verðmæti kjölfestueigna hefur aukist og mun gefa góðan arð í framtíðinni. Árlegt markmið um meðalárðsemi félagsins er 16% til samanburðar við 40% meðalhækkun á innra virði hlutafjár, mælt í evrum, frá stofnun félagsins árið 2000.